



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

Luxemburgi, 1740

CXIV. Generali Congregationi Montis Oliveti Ordinis Sancti Benedicti
facultas conceditur destinandi pro libito Abbatem in Monasterio Sanctæ
Mariæ Novæ, absque regimine, cum voce tamen activa & ...

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

1733. Clausula.

§. 3. Decernentes, ipsas presentes literas firmas, validas & efficaces existere & fore, suosque plenarios & integros effectus fortiri & obtinere; ac illis, ad quos spectat, & pro tempore spectabit, plenissime suffragari, & ab eis respectu inviolabiliter observari; sicque in præmissis per quoscumque Judices ordinarios & delegatos, etiam Caesarum Palatii Apostolici Auditores, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 4. Non obstantibus Constitutionibus & Ordinationibus Apostolicis, necnon Congregationibus, Ordinibus, & Monasterii præfatorum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis.

§. 5. Quibus omnibus & singulis, illorum tenores præsentibus pro plene & sufficienter expressis, ac de verbo ad verbum insertis habentes, illis aliàs in suo robore permanens, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 30. Septembris 1733. Pontificatus Nostri Anno Quarto.

F. Card. Oliverius.

CXIII.

Præcipitur ne quis notam aut censuram ullam Theologicam Catholicorum Scholis diversa in explicanda Divinæ Gratiæ efficacia sententibus inurere, aut earum sententias contumeliis inceslere audeat.

CLEMENS PAPA XII.

Ad futuram rei memoriam.

Dat. die 2. Octob. 1733. Pont. An. IV.

Exordium.

Apostolicæ providentiæ officio a Prædecessoribus Nostri fel. record. Clemente XI. & Benedicto XIII. sapienter impenso ad dissipandas novatorum calumnias & artes, per quas inducta proscripitis erroribus Catholicorum dogmatum larva, & Sanctorum Doctorum illustria nomina obtendentes, simplicium animos a debita Constitutioni, quæ incipit *Unigenitus*, obedientia deterrere moliebantur, Nos paterna quoque sollicitudine inherentes, magnopere dolemus, tenebras à dissensionis filii offusas nondum ex quorundam mentibus satis esse discussas; sed plerisque etiam nunc intolerabili pertinacia contendere, censuris laudatæ Constitutionis doctrinam Sanctorum Augustini, & Thomæ de Divinæ Gratiæ efficacia esse perstrictam.

§. 1. Ut igitur nullas charitatis partes ad revocandos errantes Nobis reliquas faciamus, universis, & singulis Christianis quacumque dignitate, etiam Episcopali, & majori fulgentibus in virtute sanctæ obedientiæ districtè præcipimus, & sub Canonice poenis mandamus, ne disputantes, aut docentes sive in Scholis, sive in Concionibus, sive scriptis editis, sive aliter propositiones defendant, aut enuncient, quæ antedictas novatorum calumnias firmare, ac promoveri possint, Mentem tamen eorumdem Prædecessorum Nostrorum compertam habentes, nolumus aut per Nostros, aut per ipsorum laudes Thomisticæ Scholæ delatas, quas iterato Nostro judicio comprobamus & confirmamus, quidquam esse detractum cæteris Catholicis Scholis diversa ab eadem in explicanda Divinæ Gratiæ efficacia sententibus, quarum etiam erga hanc Sanctam Sedem præclara sunt merita, quominus sententias ea de re tueri pergant, quas hæcenus palam &

Per laudes Doctrinæ S. Thomæ datas cæteræ non reprobandur Sententiæ.

libere ubique, etiam in hujus Alma Urbis luce, docuerunt & propugnarunt.

§. 2. Quamobrem fel. record. Pauli V., & aliorum Prædecessorum Nostrorum ad restringendum disensionum fomitem vestigia profectuentes, & saluberrimâ mandata renovantes, auctoritate quoque Nostra omnibus & singulis superius expressis interdiximus & prohibemus sub iisdem poenis, ne vel scribendo, vel docendo, vel disputando, vel alia qualibet occasione notam aut censuram ullam Theologicam iisdem Scholis diversa sententibus inurere, aut earum sententias conviciis, & contumeliis inceslere audeant, donec de iisdem controversiis hæc Sancta Sedes aliquid definiendum, ac pronuncianum censuerit. Pacem siquidem, quam cum veritate diligendam Dominus præcepit, inter Catholicæ Ecclesiæ Filios fovere, & communire debemus, & curamus; ut conjunctis diversarum licet Scholarum studiis firmiter sit adversus erroris insidias præsidium.

§. 3. Propterea locorum Ordinariis, Inquisitoribus, cæterisque Judicibus Ecclesiasticis injungimus, ut altercationes, & contentiones, quæ disputationis actu animos abripiente, in Christiani populi scandala erumpere possent, per Canonica remedia compescant; iisdem facultatem ad id necessariam, & opportunam impertientes; in contrarium facientibus non obstantibus quibuscumque.

Datum Romæ apud Sanctam Mariam Majorem sub Annulo Piscatoris die 2. Octobris 1733. Pontificatus Nostri Anno Quarto.

C. Archiepiscopus Emisenus.

Generali Congregationis Montis Oliveti Ordinis Sancti Benedicti facultas conceditur destinandi pro libito Abbatem in Monasterio Sanctæ Mariæ Novæ, absque regimine, cum voce tamen activa & passiva.

Prohibicio, de qua supra.

CXIV.

Dat. die 6. Octob. 1733. Pont. An. IV.

Vid. superius. Petitio.

CLEMENS PAPA XII.

Ad futuram rei memoriam.

§. 1. Nuper pro parte dilecti filii Procuratoris Generalis Congregationis Montis Oliveti Monachorum Ordinis Sancti Benedicti Nobis expositum fuit, quod, cum per alias nostras in simili forma Brevis novissime expeditas literas Abbatiam & Regimen Monasterii Sanctæ Mariæ Novæ nuncupat. de Urbe Procuratori generali ejusdem Congregationis Montis Virginis, itaut deinceps Procurator Generalis pro tempore existens dictæ Congregationis insimul Abbas Monasterii prædicti esset, ac esse deberet, perpetuo univerimus & annexerimus, ac unita & annexa fore declaraverimus; sicque numerus Abbatum prædictæ Congregationis impostum diminendus foret, dilecti vero filii moderni Abbas ac Definitor Generales ipsius Congregationis minime expedire existiment, uni potius quam alteri e sex Provinciis, quibus eadem Congregatio constat, unum Abbatem adimere; idem Procurator Generalis pro quiete & tranquillitate dictæ Congregationis illius Abbati Generali pro tempore existenti, ad quem juxta Constitutiones ipsius Congregationis distributio regiminis Monasteriorum spectat, facultatem concedi, plurimum desiderat, relinquendi semper unum Abbatem pro arbitrio suo absque gubernio cum voce tamen activa & passiva in Capitulis Generalibus, cæterisque aliorum Abbatum prærogativis & præminentis; Nobis propterea humiliter supplicari fecit, ut in præmissis opportune providere, & ut infra, indulgere de be-

nignitate

Concessio.

nignitate Apostolica dignemur. Nos igitur prædictum Procuratorem Generalem specialibus favoribus & gratis prosequi volentes, & a quibusvis excommunicationis, suspensionis, & interditi, aliisque ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium damtaxat consequendum, harum serie absolventes & absolutum fore censentes, hujusmodi supplicationibus inclinati, Abbati Generali dictæ Congregationis pro tempore existenti, ut ipse semper unum Abbatem sine regimine Monasterii ejusdem Congregationis, qui tamen voce activa & passiva in Capitulo Generali, cæterisque prærogativis ac præminentibus ad instar aliorum Abbatum Regiminis frui ac potiri debeat, arbitrio suo relinquere ac destinare libere & licite possit & valeat, auctoritate Apostolica tenore præsentium concedimus & indulgemus.

Obstantium derogatio.

§. 2. Non obstantibus Constitutionibus & Ordinationibus Apostolicis; necnon, quatenus opus sit, Congregationis & Ordinis prædictorum, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis. Quibus omnibus & singulis, illorum tenores præsentibus pro plene & sufficienter expressis, ac ad verbum insertis habentes, illis aliis in suo robore permanentibus, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annullo Piscatoris die 6. Octobris 1733. Pontificatus Nostri Anno Quarto.

F. Card. Oliverius.

CXV.

Constituitur Procurator in Urbe pro Missionibus exteris Ordinis Minorum S. Francisci Cappuccinorum.

CLEMENS PAPA XII.

Ad futuram rei memoriam.

§. 1. **E**Xponi Nobis nuper fecit dilectus filius Cherubinus de Noves, Frater expresse Professus, Custos, ac Socius Generalis Gallus, Ordinis Minorum Sancti Francisci Cappuccinorum nuncupatorum, quod dilecti filii Ministri Provinciales Regni Galliarum dicti Ordinis, Missionibus exteris, quæ Fratribus ejusdem Ordinis sub ditione charissimi in Christo filii Nostri Ludovici Francorum Regis Christianissimi degentibus demandatæ sunt, auctoritate Apostolica præfecti, tempore ultimi Capituli Generalis Ordinis præfati in Alma Urbe Nostra celebrati, ipsum Cherubinum Procuratorem in Romana Curia dictarum Missionum, quarum curam & onus ab undecim jam annis laudabiliter, & ex animi nostri sententia sustinuit, unanimi consensu constituerunt ac deputarunt, quemadmodum quoque factum est a dilecto filio moderno Ministro Provinciali Provinciæ Hiberniæ prædicti Ordinis, & aliis, prout uberius continetur in eorundem Ministrorum Provincialium patentibus literis de super expeditis, tenoris, qui sequitur.

Reverendissimo Patri Cherubino de Noves, Ordinis Minorum Sancti Francisci Cappuccinorum Alumno, Concionatori Provinciæ Sancti Ludovici, in Romana Curia generaliter Assistenti Provinciis, & Missionibus Gallicanis ejus-

dem Ordinis, ac propriæ Nationis, Provinciæ suæ pro Comitibus Generalibus Custodi, Consultori Sacrarum Congregationum super Indulgentiis, Reliquiis, necnon Sacre Congregationis Indicis, sanctique Officii Qualificatori,

Nos Provinciales infrascripti ejusdem Ordinis & Nationis, præfectique Apostolici, licet immeriti, salutem in Domino.

Cum plurima Nobis incumbant tum apud Summum Pontificem, & Sanctam Congregationem, tum apud alios sive intra sive extra Religionem Romæ gerenda negotia pro Missionibus & Missionariis Nostri, qui a Sacra Congregatione deputati, ac Regis Nostri Christianissimi protectione suffulti, toti se tradunt Infidelium Conversioni, Reverendissimam Paternitatem Vestram, de cujus pietate, prudentia, probitate, summo zelo, experientia, & capacitate plurimum in Domino confidimus, ad ea pertractanda negotia in Procuratorem præfatarum Missionum deputandam judicavimus. Ideo virtute præsentium Paternitati Vestræ Reverendissimæ facultatem facimus, & omnem auctoritatem nostram committimus in his omnibus, quæ versantur tum circa nostras Missiones, tum circa alia quæcumque negotia, pro quibus recurendum nobis foret ad Curiam Romanam eisdem Missionibus: resque alias, quæ ad Provincias nostras pertinent, humillime in Christo commendantes. interim Deum Optimum Maximum suppliciter deprecamur, ut Reverendissimæ Paternitati Vestræ det illam Sedium suarum assistentem Sapientiam, quæ cum ipsa sit semper, & laboret, & eamque ad communem Ecclesiæ utilitatem, Ordinisque nostri ac nostræ Nationis decorem diu incolumem fervet. In quorum fidem præsentem manu propria subfirmatas dedimus in Conventu nostro Romano die 4. mensis Junii 1733.

Fr. Claudius Maria Ambianensis Provincialis Provinciæ Parisiensis.

Fr. Franciscus Maria Tannayensis Provincialis Provinciæ Turonensis.

Fr. Gregorius Alenconius Provincialis Provinciæ Normanniæ.

Fr. Josephus Maria Dolensis Provincialis Provinciæ Britannicæ.

Fr. Joannes Baptista a Gratianopoli Provincialis Provinciæ Lugdunensis.

Fr. Nicolaus a Calvomonte Provincialis Campaniæ.

Reverendissimo Patri Cherubino de Noves Ordinis Minorum Sancti Francisci Cappuccinorum Alumno, Concionatori &c.

Nos Fr. Philippus à Kennedy Custos, & Præfectus Apostolicus Cappuccinorum Missionis Hiberniæ, licet immeriti, salutem e fonte salutis sempiternam.

Cum plurima Nobis incumbant tum apud Summum Pontificem, & Sanctam Congregationem, tum apud alios sive intra sive extra Religionem gerenda negotia pro Missionibus & Missionariis nostris &c. In Conventu nostro Romano die 12. Augusti anno salutis 1733.

Fr. Philippus, qui supra.

§. 2. Cum autem, sicut eadem expositio subjungebat, ipse Cherubinus, quo munus, sibi per memoratos Ministros Provinciales commissum, utilius atque efficacius cum Socio suo Nationali, juxta antiquum supradicti Ordinis usum ei concessio, exequi possit, præmissa Apostolicæ confirmationis nostræ præsidio communiri plurimum

desideret;

Literæ Patentis Provincialium Provinciæ Galliarum & Hiberniæ.

Dat. die 10. Octob. 1733. Pont. An. IV.

A Capitulo Generali constitutus Procurator pro Missionibus exteris.